

**FRANC. ERN.  
BRUCKMANNI, MED.  
DOCT. ACAD. CÆSAR.  
NAT. CUR. ET SOC.  
REG. PRUSS. SCIENT...**

---

Franz Ernst Bruckmann

FRANC. ERNEST. BRVCKMANNI,  
MED. DOCT.  
EPISTOLA ITINERARIA XX.

DE  
TVBERIBVS TERRÆ,

AD  
VIRVM NOBILISSIMVM, EXCELLENTISSIMVM

ATQVE  
CONSVLTISSIMVM DOMINVM,  
DOMINVM

HERM. FRID.  
TEICHMEYER.

PHILOS. ET MED. DOCT.


ANATOMIÆ, CHIRVURGIE ET BOTANICES PROF. P. O.  
SERENIS, SAXON. DVCVM VINAR. ET ISENAC. CONSIL. AVL.  
ET ARCHIATRVM, ACAD. NAT. CVRIOSOR. IMPERIAL.  
LEOPOLD. CAROL. ET REG. SCIENT. PRVSS. SOCIVM, &c.  
AMICVM ET PATRONVM COLENDISSIMVM.



CVM FIGVR.

---

WOLFFENBVTTELÆ, MDCCXXX.





VIR EXCELLENTISSIME ATQUE CONSVLTISSIME,  
FAVOR ET AMICE COLENDISSIME!

---

**Q**Vod de Fungis subterraneis, vulgo Tuberæ terræ dictis, specimen botanicum Anno 1720. typis exscribi curavimus, quodque recensitum legitur dans le Journal des Sçavans pour le mois de Decembre 1722. p. 624. &c. usque 629. it. in Joh. Fabricii Historiæ bibliothecæ Fabricianæ Part. VI. p. 38. 39. Tuoque honoratissimo nomini, *Vir excellentissime*, dedicatum, dubio procul Te recte accepisse persuasum firmiter habemus. Ulteriorem de iis, præsertim istis in Hungaria observatis & comestis relationem non agre pro nunc accipies; peculiare quidem de tuberibus & de Clitumno fluvio Alphonsus Ciccarellus Patavii 1764. in 8v. Scriptum edidit, quod vero hætenus nullibi omni licet studio multas instructissimas bibliothecas perstraverimus, invenire nobis contigit; Et Joseph. Pitton Tournefortius, Botanorum facile Coryphæus, in Institut. rei herbar. p. 565. Tab. 333. Classe XVII. de plantis, quarum flores & fructus vulgo desiderantur Gen. VIII. cum fig. brevissimam tantum & maneam de hoc certe mirabili plantarum genere delineationem cum eruditis communicavit. Tuber Latinis a tumeo, quomodo a facio faber, ab humeo huber & per apharesin uber, tuber quia est corpus naturale vegetabile tumidum, dictum. Confer. Joh. Jacobi Mangetti Bibliotheca pharmaceutico-medica Tom. II. Lib. XIX. p. 1007. Dantur & nodi duri in quarundam arborum ramis & cortice latentes, qui tanquam morbus arborum, a læsione externa violenta morisque insecto-  
rum

TAB. II.  
FIG. III.

rum excitantur, qui quoque Tuber, cum epitheto, arboreum nuncupantur, denominatione a figura externa, quæ tuberibus terræ quodammodo assimilatur, desumpta, ejusmodi tuber ligneum durissimum, cortice exclusum, ex museo nostro Tab. II. Fig. III. Tibi exhibet; hoc plane a nostro tubere subterraneo distat. Laborat interdum & genus humanum brutorumque in quibusdam corporis partibus morbo quodam in altum elevato, uti est talpa in capite, species atheromatis in cranio, qui quoque ab externa cum tuberibus terræ similitudine & facie tubera, German. *Baule* / rectius tumores p. n. vocatur, vid. *Hübner's Natur. Lexicon.* p. m. 270. Porro *Helianthemum tuberosum* seu Sol altissimus radice esculenta tuberosa, *Sonnen-Blume* radice esculenta, quæ planta florem habet regularem compositum ex regularibus & irregularibus simul, seminibus solidis, vocatur quoque & quidem proprie *Erd-Apfel* / sed improprie Lat. a quibusdam Tubera, *Cartusium*. vid. *Ruppii Floram Jenensem* p. 155. Et *Papas* quoque *Americanum* improprie *Erdbirnen* / *Erdäpfel* & *Cartusium* vocatur; Hæ enim omnes plantæ flore specioso & semine visibili, in fungis subterraneis haud facile inveniundo, gaudent, præterea plane aliud, & toto coelo a tuberibus terræ diversum, plantarum genus constituunt. Male quoque fungorum genus cavernosum & rugosum, *Morcheln* vel *Maurachen*, it. Cervi fungus, *Hirschbrunn*, tuber vocatur. Prostat & *Symphitum tuberosum* majus & minus, sed quoque non est hujus loci, vid. de isto Carolus Clusius, curiosus olim botanicus, rarior. plantar. histor. L. V. c. LII. p. CLXVI. it. adest *Hyacinthus tuberosus*, sic *Darbst.* *Hyacinthe* vel vulgo *Tuberoſe* dictus, sed quoque hæc non pertinet. Petrus Bellonius Cenomanus Lib. II. de Aquatilibus Cap. XI. de Zoophytis s. plantanimilibus, ad ea quoque refert *Vertibulam* s. *Tethyam*, quam Latini Tubera vocant, quæ rusticis in foro piscario Venetiis divendi solent, magnitudine ovi gallinacei, quæ si mano paulo vehementius comprimas, syringæ modo aquam longissime ex foramine partium ad latus sito ejaculantur, in Oceano ad litus Gallicum frequentia. &c. p. 432. 433. 434. cum fig. sed ex Bellonii descriptione non satis constat, an ejus tubera sint animalia, an vero spongice? *Dudaim S. Sræ*, quæ vox in Hebræorum lingua amabile, gratum, acceptum denotat, putatur fuisse tubera terræ, sed vera demonstratio, quæ a planum hoc facere posset, & probatio, sufficiens deficit. Pulcherrima *Rahel* nunquam *Dudaim* pro Jacobo marito emisit, si *Chocolatz* potus, suavissimus ad Veneris delicias excitandas, sibi tunc temporis notus fuisset; Græcorum autem *Ψιτα* sunt Latinorum tubera terræ, *από τῆ γῆς*, i. e. nutriendæ, plurimum enim alimenti præbere dicuntur.

Præterea

Præterea Satyrium Erythronium Matthioli, quod manibus duntaxat at-  
trectando, totum Venereis turgere libidinibus faciat, sunt tubera terræ. Ger-  
manis vocitantur *Erdbeilen* / *Erdknollen* / *Morcheln* / *Morcheln* / *Muraichen* /  
sed cum his ultimis a Bartholomæo Zornio in Potanologia medica p. 687.  
hæc nostra terræ tubera confunduntur, *Morcheln* enim sunt fungorum  
genus cavernosum supra terram nascens, quod a tuberibus plane distat.  
Hispani *Tofena*, Calli *Truffer*, Itali *Triffoli* vocant, terræ enim tubera, *Erd-  
tuffeln* teste Ciccarello de tuberibus apud Gallos & Italos in usu sunt, non  
solum in diætâ, sed & medicina; ab Anglis *Truffles* & a Belgis *Arthyren* ap-  
pellantur. Ferrandus Imperatus LXXVII. C. V. p. 824. Historiæ natura-  
lis *Aristolochiam peregrinam* vocat &c. qui etiam vegetabile quoddam recen-  
set eodem cap. quod *Tartusos fungos* vocat, qui substantia Tartusis escu-  
lentis congenere forent, duriores tamen, fibrosioresque, ac varia magni-  
tudine, unde centum librarum pondere & ultra spectentur. &c. p. 825.

Optima tubera terræ Hungarica obviâ nobis facta, in frusta concisa,  
sunt coloris varii, *scheffigt*, figurata & variis curvis lineis ductibusque in  
substantia interna, instar Nucis Muscatæ Indice, marmorata. Semen ha-  
bent sui generis, sed non evidens, quare in ben *Wrislauer Kunst und Natur-  
Geschichten* Xter Versuch p. 601. quaestio: an humidum & sal terræ, admixto  
quercuum succo, sub quibus arboribus non raro crescant & inveniantur, hæc  
terræ tubera, *Erdballen* / sine semine coagulet? ventilata fuit. Tubera Lipto-  
viensia Hungariæ semper inæqualem tuberosam rotundam & rugosam, ad in-  
star Chagrin, obtinent figuram & talem corticem, Christ. vero Menzelius in  
in indice plantarum universali p. 309. exhibet tubera subterranea in Mar-  
chia Brandenburgica forma testiculorum humanorum nata, quæ in apposita  
Tab. II. Fig. I. ex ejusdem pugillo rariorum plantarum desumpta, vivenda. FIG. I.

Substantia & pulpa in tuberibus Hungaricis ad albedinem, intermixtis ele-  
ganter obscurioris coloris curvis striis, quales in Nuce Muscata, divisa cultro  
videndæ, vergit; quæ vero pulpam monstrant & exhibent nigram, sunt ve-  
tustiora, nec recentia, obsoleta putrediniquæ jam proxima, & quando putre-  
scunt, albis scatent vermiculis instar casei termetum, nulliusque amplius usus  
sunt. Multi, imo fere omnes, physici asseveraverunt, tubera radicibus carere,  
ideoque plantis non debere annumerari, quod & Nardus de rebus Indicis & Jo.  
Faber in suis commentariis aliique plures affirmarunt; sed sciant velimus, se  
non probe & accuratè rem perpexisse, radices in Hungaria in eis inventi-  
mus, imo palmi longitudine, quarum ope in terræ gremio sub musco ter-  
restri putridisque arborum in acervos cumulatis foliis sustinebantur, ve-  
rum adeo exiles & tenues, licet in tuberibus magnis, ut vere visum effu-  
giant,



giant, quare ut plurimum absque illis radiculis à rusticorum gente, quæ ista effodit & venalia in oppida portat, avelluntur. Orta quoque hinc est fabula, tubera à tonitru generari, quoniam post calidos læte crescunt & augentur imbres; & Petrus Borellus in Histor. & observat. medico-physicis Cent. III. Observat. XCII. p. 270. tubera plantis restituta; inquit: sed sciant velim, se non probe rem perspexisse, ego enim radices in iis invenio imo palmi longitudine, quarum ope sustinebantur &c.

Patria non tantum Comitatus Hungariæ Liptoviensis, sed prostant quoque & inveniuntur ad Pirnam Misniæ urbem, In Marchia Brandenburg. Marchionatu Byruthyno, circa Bambergam, in Hassia, it. copiose in sic dicta magna Viennensium sylva, im grossen Wiener Walde/ plura loca natalia vid. *Größauer Kunst- und Natur-Geschichte Zehnter Theils* p. 601. unam, vel unam cum dimidia, sub terra spithamam recondita plerumque latent. De captura istorum & venatione per canes, burdy die *Truffel-Hunde/* vid. *Ibid.* l. c. p. 597. 600.

Ad usum quod attinet medicum & æconomicum, tubera cocta, teste H. Cardano L. VII. de var. reb. c. 25. & Lib. de causis, signis ac locis morborum de angina, pro emplastro imposita, anginosi adeo profunt, ut quidam jam morituros hoc auxilio liberaverint; alias, in specie in Hungaria nata, quæ præ reliquis æstimantur & sapidiora sunt, magnatum & Principum mensis, deliciarum instar, apponuntur. De temperamento & usu eorum in culinis Baptista Fiera Mantuanus in Cæna p. 150. & commentator ejus Carolus Avantius Rhodiginus in notis ad eam opùne sequentibus legendi:

*Terrea ferte aqueoque madentia Tuberæ roræ*

*Alba: fanescentes sint nigra vestra, coqui.*

*Ultima sint nostræ post pulmentaria Cæna,*

*Mixta sit in nostris ut Venus ipsa joci.*

*Si turgent, æquum est: ventosa tonitrua & imbres*

*Hæc genere: piper, Chique vina bibam.*

*Sic faciles stomacho sunt adducuntia chymos:*

*Nec vesica timent, nec dolet iliacus.*

*Cui caput obtusum & triste est, mollesque lacerti*

*Exeat: his tantum tubera cæna negat.*

### Caroli Avanti Rhodigini Notæ.

*Terrea,)* „Terrea, sive quia crassum & melancholicum sanguinem gignant: sive quia, ut aliis placet, tubera nil aliud, quam terræ vitium sint. Terræ enim naturam in se globari eo argumento probat Plinius, quod Lartio Lacinio Lib. 19. cap. 2. mordenti tuber deprehensus sit, intus denarius, qui primos dentes insecteret.

*Mixta*

Mixta Venus.) „Nobilissima tubera circa Lampſacum naſci Plinius  
 „& Athenæus teſtantur, & rationi quidem conſonum videbatur, libidi-  
 „nis hæc irritamenta ibi optima provenire, ubi deorum ſalaciſſimus colebatur.  
 „Ventoſa tonitrua.) „Johannes Ciampolus facere admodum tubera  
 „Soroꝝ Zebedoꝝ appellabat, qui in ſacris literis filii tonitruum dicuntur.  
 „Jove enim tonante, cumq; crebra decidunt fulmina magnum perhibent fieri  
 „tuberum proventum. Quod iis verbis etiam expreſſit Juvenalis, Satyr. 5.

Et faciant optata tonitrua cœnas Majores.

„Cur autem per eas cœli conſtitutiones poſſimum tubera gignan-  
 „tur, hanc nonnulli aſſignant cauſam: quod pluviz cum tonitru & ful-  
 „minibus decedentes calidiores ſint unde ab humido illo calore excita-  
 „teria, quæcunque tandem ea ſit, tuberoſum illud corpus format.

„Subeſſe autem tubera cognoscuntur indicio, ut ait Athenæus Dip-  
 „noſ Lib. 2. cap. 21. ſupernaſcentis plantæ, quam *Hydnophyllon* vocat. Ita  
 „enim è Pamphili Gloſſis. ὑδνοφυλλοι ἢ φρομοὶ τῶν ὑδατῶν ὑπερθε πῶς,  
 „αφ' οὗ τὸ ὑδρὸν γινώσκειται. Sic & Heſychius. ὑδνοφυλλοι ἢ ἐπὶ τοῖς  
 „ὑδατοῖς φρομοὶ πῶς.

„Quid vero de hujusmodi herba proferam non ha-  
 „beo. Conſului quidem quotquot novi non ſolum viros doctos & peritos  
 „Botanicos, ſed etiam vulgares homines, qui in effodiendis hujusmodi  
 „radicibus fere vitam conſumſerunt qui omnes uno ore affirmarunt, ſe  
 „in inveniendis tuberum locis nullius duci herbæ indicio, ſed ſoli tantum  
 „qualitate arenofa; ac terræ ſuperficie ruſcente, rimasque interdum  
 „agente, contra quam ſcribat Plinius: deinde ſuum ſagacitate uti. Imo  
 „nonnulli aſſeruerunt, iis locis, quibus ſubſunt tubera, nullas omnino  
 „provenire herbas. Exhibet tamen Lugdunenſis Herbarii compilator *Tu-  
 „beraria* nomine plantam: quam ideo Hispanis *Terva Turmera* appellari  
 „ait; quod ubi ea naſcitur, copioſa tubera reperiantur: eoque argumen-  
 „to veterum ὑδνοφυλλοι eſſe opinatur. Quæ itidem de Cisto annuo re-  
 „tenſet Carolus Cluſius. Quid Hispanico ſolo proprium ſit, ego quidem  
 „ignoro. Illud certo ſcio, herbas illas pluribus Italiæ locis creſcere, ubi  
 „nulla prorfus tubera inveniuntur. Ita ut ſtatuendum ſit, aut eas non  
 „eſſe proprium, ſaltem quarto modo, latentium tuberum indicium, aut  
 „nemini adhuc cognitum eſſe verum *Hydnophyllum*, aut denique fabulo-  
 „ſam & commentitiæ eſſe plantam illam. Quod enim Jul. Caſ. Scaliger  
 „Exercit. 180. adv. Cardan. ſibi allatum ſcribit ex Moiraxi agro tuber cum  
 „ſtipite & oblongo foliolo, ſi modo fidem meretur, haud verum & legi-  
 „timum fuiſſe tuber illud, ſed potius alterius generis ſtrumofam & confi-  
 „milem radicem, omnino aſſumaverim. Sed eſto, in efformando eo  
 „tubere fuiſſe ac luxuriſſe naturam: quid porro ex inſolenti ac monſtro-  
 ſo



„so germine inferre velit doctiss. quidam & magni nominis vir, plane non  
 „video. præsertim cum allati auctores ὀνόματι non tuberis folium esse  
 „prodant, sed herbam τοῖς ὀνόματι περινομήσας, & ex putri ac halituoso  
 „eorum vapore (si eos interpretari licet) quodammodo succrescentem.  
 TAB. II. „Vidi quoque olim in vetustissimo ac in membranis picto Herbario Caro-  
 „li Herbeti Veronensis parvam herbam, cujus imaginem ex eo ad ungu-  
 FIG. VI. „em expressam hic damus, *Tuberonia* epigraphæ, à tuberibus forsan de-  
 „ducto nomine. Plantam certe aut pessime, ut rude illud sæculum sole-  
 „bat, delineatam, aut in Gurgustidoniis campis requirendam.  
 „Qui vero plura de tuberibus legere cupit, adeat Alphonsum Cicca-  
 „rellum Mevenatem, qui singulari libello hoc argumentum diligenter  
 „prosecutus est.

In fine verbo tantum mentionem injiciemus tuberis cujusdam lapi-  
 dei, quod Joh. Jac. Scheuchzerus in Helvetia quondam reperit & in spe-  
 cimine suo lithographiæ Helvetiæ curiosæ Tab. II. Fig. XXII. p. 17. 18.  
 exhibuit, quod an fuerit lapis ex lusu naturæ, quod ad formam exter-  
 nam, tuber vegetabile subterraneum referens? an vero fuerit fungus sub-  
 terraneus rotundus in lapideam duritiem à spiritu Gorgonico mutatus?  
 alii dijudicandum relinquimus. Ceterum vale, *Vir Excellentissime*, bene  
 vale ac cum familia *Tua* universa prospere & optime vive;

*Explicatio figurarum:*

- Tab. I. Fig. I. Sistit tuber terræ integrum ad vivum delineatum.
- II. Exhibet tuber perpendiculariter dissectum oculoque armato spectatum.
- III. Præbet partem tuberis exsiccati & microscopie considerati.
- IV. Dat tuber horizontaliter dissectum & microscopio consideratum.
- V. Est pars corticis æque microscopio spectati.

Tab. II. Fig. I. sunt tubera subterranea Marchiæ Brandenburg. testiculo-  
 rum forma, ex Menzelii pugillo rariorum plantarum p. 209. desumpta.

- II. Sunt tubera ex Antonii Pinzi Historia plantarum p. 209. desumpta.
- III. Sunt tubera terræ ex Joh. Joachim. Becceri Parnasso medicinali ejusque phytolo-  
 gia p. 528. delineata, Germ. Erd-Mordeln.
- IV. Tuberæ κατ' ἐξοχήν & specialiter dicta, quorum figura elegantissima in Petri

Laurenbergii Apparatu plantario p. 128. videnda.  
 Fig. V. Et portioneula tuberis Hungarici, cujus pulpa lincis & ductibus variis Nucem  
 Muscatam vel celebri substantiam exakte refert. VI. Est herba *Tuberonia*, cujus Caro-  
 lus Avantius Rhodiginus in notis ad Fierz Cenam mentionem inject. VII. Est tuber  
 ligaceum ex arbore desumptum.

Reliquum Deum rogamus, ut Tuis laboribus doctissimis, publico & inprimis arti Hip-  
 pocratæ dicatis, *Te* amicissimum nobis & Musis diu parem esse jubeat & superstitem.

Vale, *Vir Excellentissime*, Præceptor optime, & quam diu vivis nos ama.  
 Scrib. Wolfenb. d. 4. Maji 1730..

Ad Ep. I. t. xx. Tab. 1.






Fig: 1.

AdEp:

